



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-2-40-476-2/21**

Datum: **19.10.2021. god.**

„Agencija za vodno područje rijeke Save“ Sarajevo rješavajući po zahtjevu Općine Olovo za izdavanje vodne saglasnosti na projektnu dokumentaciju kojom je obuhvaćena aktivnost sanacije postojeće deponije komunalnog otpada „Gradina“, Općina Olovo i izgradnja pratećih sadržaja prilagođenih regionalnom konceptu odlaganja otpada, na osnovu člana 114., a u vezi sa članom 109. stav (1) tačka 11. Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi:**

R J E Š E N J E **o vodnoj saglasnosti**

1. Pravnom licu Općini Olovo daje se vodna saglasnost na projektnu dokumentaciju kojom je obuhvaćena aktivnost sanacije postojeće deponije komunalnog otpada „Gradina“ i izgradnja pratećih sadržaja prilagođenih regionalnom konceptu odlaganja otpada:

- Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga A, urađen od strane „Saraj Inženjering“ d.o.o. Sarajevo, april 2021. godine,
 - Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga B, urađen od strane „Saraj Inženjering“ d.o.o. Sarajevo, april 2021. godine,
 - Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga C, urađen od strane „Saraj Inženjering“ d.o.o. Sarajevo, april 2021. godine,
- Projektna dokumentacija je revidovana od strane „Sendo“ d.o.o. Sarajevo, broj:371-06-i/21 od 02.06.2021. godine

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.

3. Ova saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa a sve u skladu sa važećim zakonskim propisima, odlukama i sl.

4. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, druge dokumentacije, utvrđenog činjeničnog stanja i pod sljedećim uslovima:

4.1. Radove na sanaciji deponije i izgradnji pratećih sadržaja i objekata prilagođenih regionalnom konceptu odlaganja otpada izvesti u skladu sa ovjerenom projektnom dokumentacijom iz tačke 1. ovog Rješenja.

4.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.

4.3. U toku izvođenja radova neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.

4.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkih ulja i sl.

- 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.6. Nakon izvođenja radova sistema odvodnje oborinskih onečišćenih voda i procjednih voda iz tijela deponije potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
- 4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 4.8. Podnosilac zahtjeva je obavezan ispoštovati uslove iz: Urbanističke saglasnosti broj:12-23-1683/16 od 01.04.2019. godine izdate od strane Ministarstva za prostorno uređenje promet i komunikacije i zaštitu okoline Zeničko-dobojskog kantona i Rješenja o okolišnoj dozvoli broj:UP-I 05/2-23-11-54/19-FM od 28.08.2019. godine izdatog od strane Federalnog ministarstva okoliša i turizma.
5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
6. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
6. Po završetku sanacije i izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12.stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20).
7. Ova vodna saglasnost prestaje važiti istekom roka od dvije godine od pravosnažnosti ovog rješenja, ukoliko u tom periodu ne bude pribavljeno odobrenje za građenje i započeta izgradnja objekata u skladu sa glavnim projektima iz tačke 1. dispozitiva ovog rješenja.
8. Vodna saglasnost se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica Općine Olovo podnesen je ovoj Agenciji dana 08.10.2021. godine zahtjev za izdavanje vodne saglasnosti na projektnu dokumentaciju kojom je obuhvaćena aktivnost sanacije postojeće deponije komunalnog otpada „Gradina“, Općina Olovo i izgradnja pratećih sadržaja prilagođenih regionalnom konceptu odlaganja otpada.

Uz zahtjev je dostavljena slijedeća dokumentacija:

A. Opća dokumentacija

- Uvjerenje o poreznoj registraciji od 11.12.2002. godine izdato od strane Kantonalnog poreznog ureda u Zenici - kopija,
- Rješenje o okolinskoj dozvoli, broj:UP-I 05/2-23-11-54/19-FM od 28.08.2019. godine izdato od strane Federalnog ministarstva okoliša i turizma – kopija,
- Rješenje o urbanističkoj saglasnosti, broj:12-23-1683/16 od 01.04.2019. godine izdato od strane Ministarstva za prostorno uređenje promet i komunikacije i zaštitu okoline Zeničko-dobojskog kantona – kopija,
- Saglasnost za priključak na gradsku vodovodnu i kanalizacionu mrežu, broj:2/01-357/21 od 04.10.2021. godine izdato od strane JKP „Bioštica“ d.o.o. Olovo,
- Dokaz o uplaćenju upravnoj pristojbi na zahtjev

B. Tehnička dokumentacija

- Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga A, urađen od strane „Saraj Inženjering“ d.o.o. Sarajevo, april 2021. godine,

- Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga B, urađen od strane „Saraj Inženjering“ d.o.o. Sarajevo, april 2021. godine,
 - Glavni projekat sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga C, urađen od strane „Saraj Inženjering“ d.o.o. Sarajevo, april 2021. godine,
 - Glavni projekat elektroinstalacija sanacije postojeće deponije komunalnog otpada Općine Olovo i izgradnja pratećih sadržaja prilagođenih regionalnom konceptu odlaganja Knjiga B-1, urađen od strane „Saraj Inženjering“ d.o.o. Sarajevo, februar 2021. godine,
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

Otpad sa područja Općine Olovo odlaže se na odlagalištu komunalnog otpada „Gradina“. Da bi se izvršila sanacija postojeće deponije komunalnog otpada „Gradina“, općina Olovo i izvršila izgradnja pratećih sadržaja prilagođenih regionalnom konceptu odlaganja otpada potrebno je uraditi niz mjera i aktivnosti, što uključuje izgradnju svih objekata koji osiguravaju kvalitetno i sigurno funkcioniranje deponije, kako bi predmetni kompleks deponije udovoljavao regulativi BiH i EU.

Uvidom u sadržaj projektne dokumentacije i druge dokumentacije koja je dostavljena uz zahtjev za izdavanje Rješenja o vodnoj saglasnosti možemo konstatovati da je cilj unapređenje zaštite životne sredine kroz sanaciju postojećeg „divljeg“ odlagališta otpada, poboljšanje sanitarnih i zdravstvenih uslova, te da se realizacija projekta uklapa u osnovne prioritete upravljanja otpadom u FBiH i u integralni sistem upravljanja otpadom. Da bi se realizirali postavljeni ciljevi i implementirali predviđeni zadaci Glavnim projektom predviđeno je sljedeće: sanacija postojeće deponije na način da su zadovoljene najsavremenije norme i standardi u tom postupku koji se primjenjuju u zemljama EU, izgradnja sistema za prihvata i tretman procjednih voda, izgradnja sistema odvodnje površinskih (oborinskih) voda, izgradnja sistema otplinjavanja deponije, izgradnja i uređenje površine na kojoj se omogućava jednostavno odvajanje odnosno privremeno deponovanje otpada (reciklažno dvorište) kao što su: prostori za odvojeno skupljanje metala, starih guma, papira, stakla, plastike i dr., te posebni prostori za skupljanje opasnog otpada (baterije, akumulatori, lijekovi, motorna ulja, boje i hemikalije itd), izgradnja infrastrukture (pristupni prijemni plato, unutrašnje komunikacije, parking prostori), izgradnja prostora za radnike sa potrebnim sanitarijama, portirnica, kamionska vaga, izgradnja zaštitne ograde oko deponije, izgradnja sistema protivpožarne zaštite, uvođenje i provođenje odgovarajućeg monitoringa, uređenje prostora za pretovarnu stanicu i reciklažno dvorište nakon zatvaranja deponije, rekultivacija zemljišta. Zatvaranje postojeće deponije izvršit će se kroz nekoliko faza s ciljem da se sanira kompletno područje aktivne deponije kako bi se smanjili negativni uticaji iste na okolinu.

Investitor je za potrebe izrade projektne dokumentacije angažovao certificiranu firmu „Saraj Inženjering“ d.o.o. Sarajevo. Projektna dokumentacija je revidovana od strane certificirane firme „Sendo“ d.o.o. Sarajevo.

Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-316-4/15 od 07.07.2015 godine i Rješenja broj: UP-I/25-1-40-316-6/15 od 01.06.2018. godine, izdatih od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz člana 1 ovog Rješenja, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu naprijed navedenog, a u skladu s članom 114. Zakona o vodama («Službene novine Federacije BiH, broj 70/06) i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- Općina Olovo
- Branilaca grada b.b. Olovo, (sa prilogom),
- AVP Sava, ISV-vodna knjiga,
- sektor 40 – arhiva
- Oglasna tabla AVP Sava-Sarajevo